

RESOLUCIÓN REITORAL DO 06 DE FEBREIRO DE 2020 POLA QUE SE PROCEDE Á CONVOCATORIA DO ANO 2020 DE AXUDAS PARA A ORGANIZACIÓN DE ACTIVIDADES DOCENTES QUE PROMOVAN A PERSPECTIVA DE XÉNERO NA UNIVERSIDADE DE VIGO

BASES XERAIS

1. OBXECTO DA CONVOCATORIA E ÁMBITO DE APLICACIÓN

O obxecto da presente convocatoria é ofrecer financiamento para a organización de actividades docentes que promovan a perspectiva de xénero e que estean dirixidas fundamentalmente ao alumnado da Universidade de Vigo de calquera área de coñecemento.

Esta convocatoria responde a acción 3.1.4. do II Plan de igualdade entre mulleres e homes da Universidade de Vigo (2016/19) que di textualmente: «Manter as convocatorias de axudas e premios para a organización de actividades docente e elaborar recursos con perspectiva de xénero.»

As actividades propostas deben estar vinculadas á práctica docente e contemplar contidos que axuden a incorporar a transversalidade de xénero na formación do alumnado e que impulsen a transmisión de valores igualitarios para a adquisición da súas competencias profesionais e o seu desenvolvemento persoal.



Poderá presentarse á convocatoria calquera membro do Persoal Docente e Investigador (PDI) con docencia asignada no Plan de Ordenación Docente (POD) pero só se admitirá unha solicitude por cada persoa.

A responsabilidade do programa para o que se solicita a axuda poderá ser compartida por un máximo de dúas persoas.

Os programas para os que se solicite a axuda terán o **06 de novembro 2020** como data límite de realización.

Os gastos subvencionables solicitados poderán cubrir os seguintes conceptos:

- A) Conferencias: Disertacións realizadas por unha ou máis persoas.
- B) Xornadas: Reunións habitualmente monográficas de curta duración.
- C) Actividades: calquera tipo de acción que implique un impacto positivo no alumnado de cara á promoción de valores igualitarios tales como obradoiros, seminarios, ligas de debate, exposicións, ciclos de cine, representacións teatrais, concursos, talleres de lectura ... a realizar nos centros da Universidade de Vigo.

Todas as accións para as que se solicite financiamento ao abeiro desta convocatoria e sexan susceptibles de recoñecemento de créditos ECTS poderán solicitalo á Vicerreitoría de Captación de Alumnado, Estudiantes e Extensión Universitaria.

2. FORMALIZACIÓN, ENTREGA E PRAZOS DAS SOLICITUDES

As solicitudes, dirixidas ao reitor, remitiranse á Unidade de Igualdade (Edificio Ernestina Otero- Campus Universitario 36310 VIGO) presentándoas nos rexistros auxiliares ou xeral da Universidade de Vigo e nos lugares indicados no apartado 4 do artigo 16 da *Lei 39/2015, de 1*



de outubro, de procedemento administrativo común das administracións públicas. Deberán vir acompañadas dos seguintes documentos:

- a) Solicitud memoria explicativa do programa a realizar (anexo I e anexo II)
- b) Reconecemento de créditos ECTS, se é o caso. De non ser posible, solicitud de telo feito a Vicerreitoría correspondente.
- c) Escrito da/s persoa/s responsable/s indicando a qué grupo/s de alumnado vai dirixida a actividade, especificando a titulación, o curso e, se é o caso, a/s materia/s.

Se a documentación achegada non reunise os requisitos que se esixen na presente resolución, requirirase mediante escrito á/s persoa/s responsable/s do programa para que nun prazo non superior a 10 días subsane as carencias ou erros. Se así non o fíxese archivarase a súa solicitud sen máis trámites.

O prazo de entrega de solicitudes será de **vinte días naturais** a partir do día seguinte ao da publicación desta convocatoria.

Poderá solicitarse calquera información adicional sobre a presente convocatoria na Unidade de Igualdade a través dos seguintes medios:

Enderezo electrónico: igualdade@uvigo.es

Teléfono: 986813419

3. CONTÍA E NATUREZA DAS AXUDAS

Os gastos que orixinen as actividades docentes subvencionadas cubriranse por conta do vixente subprograma de gastos da Unidade de Igualdade por **un importe máximo de 10.000 euros** con cargo á seguinte aplicación orzamentaria:



- 2020 00RS 421S 226.06: Cursos, conferencias e seminarios

Por tratarse dun expediente de tramitación anticipada, este importe máximo é estimado polo que o financiamento dos gastos que se deriven desta convocatoria, quedan condicionados á existencia de crédito adecuado e suficiente no momento de autorizar o compromiso de gasto coas diferentes empresas proveedoras que realicen os servizos necesarios para levar a cabo a actividade.

Os gastos subvencionables serán unicamente os gastos correntes correspondentes á posta en marcha e desenvolvemento dos programas obxecto desta convocatoria. Poderanse subvencionar os gastos de viaxe de conferenciantes, o pagamento de conferencias, o traslado de obras artísticas, aboamento de dereitos de exhibición ou calquera outro estritamente necesario para levar a cabo o programa concreto para o que se solicita a axuda, agás os sinalados no seguinte parágrafo.

Os gastos **non poderán contemplar en ningún caso** retribucións de persoal, vencellado estatutaria ou contractualmente á Universidade de Vigo, gastos protocolarios nin gastos de publicidade.

O financiamento obtido a través desta convocatoria é compatible co obtido a través doutras vías externas á Universidade de Vigo sen que poida superar, en ningún caso, o 100% do custo da actividade programada.

No caso de que o programa conte con financiamento externo coordinado, deberá sinalarse na solicitude e presentar a proposta de orzamento exclusivamente polo importe polo que se solicita a axuda.



Ao abeiro desta convocatoria non se poderán presentar solicitudes para cofinanciar calquera dos cursos rexidos polo *Regulamento de Títulos propios de posgrao e outros cursos* aprobado polo Consello de Goberno da Universidade de Vigo o 22/07/2003 ou calquera outra actividade que funcione en réxime de autofinanciamento.

No suposto de que os orzamentos das actividades docentes solicitadas superen a consignación orzamentaria, en función da puntuación obtida e por acordo previo da comisión de avaliación, poderase decidir que as que superen determinada puntuación se financien totalmente e as restantes en proporción ou todas proporcionalmente.

En calquera caso, ningunha solicitude poderá acadar unha axuda superior a **2.000 euros**.

No caso de conferencias, a cantidade máxima que se poderá aboar será de 250 euros brutos por conferencia individual e/ou por mesa redonda. Esta cantidade deberá incluír os gastos de manutención das persoas invitadas. A excepcionalidade deste límite orzamentario deberase solicitar xustificándose na traxectoria e prestixio profesional da/s persoa/s invitada/s. No caso de mesas redondas, a excepcionalidade poderá xustificarse en que a intervención de cada participante consista nunha exposición individual igual ou superior a 20 minutos.

A comisión de avaliación acordará a puntuación mínima para considerarse unha actividade docente subvencionable.

As solicitudes serán avaliadas en función dos criterios que se recollen na base cuarta desta convocatoria, obténdose como resultado da devandita avaliación unha listaxe ordenada de solicitudes por puntuación.

4. CRITERIOS E COMISIÓN DE AVALIACIÓN

ÁMBITO- PREFIJO

GEISER

Nº registro

U03800058s20N0000001

CSV

GEISER-0645-c74b-faa1-40b1-8d1e-6f39-c2a4-7057

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

10/02/2020 10:00:13 Horario peninsular

Validez del documento

Copia Electrónica Auténtica



As propostas serán avaliadas de acordo cos seguintes criterios:

- a) Adecuación da proposta aos obxectivos da convocatoria: ata 25 puntos
- b) Calidade: ata 20 puntos
- c) Viabilidade das propostas: ata 15 puntos
- d) Experiencia en xénero e organizativa de quen solicita a subvención: ata 15 puntos
- e) Adecuación dos recursos financeiros previstos aos obxectivos que se propoñen: ata 15 puntos
- f) Actividades con recoñecemento de créditos ECTS: ata 10 puntos

A comisión avaliadora estará formada por :

- **Águeda Gómez Suárez**, directora da Unidade de Igualdade que actuará como presidenta.
- **Manuela Raposo Rivas**, Profesora Titular da Universidade de Vigo do ámbito das Ciencias Sociais con ampla formación e estudos de xénero.
- **Alma María Gómez Rodríguez**, Profesora Titular da Universidade de Vigo do ámbito Científico-Tecnolóxico con ampla formación e estudos de xénero.

Só se valorarán as actividades acordes co obxecto desta convocatoria de contribuír á introdución da perspectiva de xénero na docencia e de promover a transmisión de valores igualitarios entre o alumnado da Universidade de Vigo.

5. RESOLUCIÓN

Aprobada a proposta de resolución definitiva, o reitor resolverá motivadamente o procedemento de concesión do financiamento para gastos que se convocan. A resolución de concesión que esgota a vía administrativa, publicárase para os efectos de notificación no rexistro xeral e auxiliares da Universidade de Vigo e na páxina web oficial da Unidade de Igualdade.



O prazo máximo para resolver e publicar a resolución do procedemento non poderá exceder de tres meses, contados dende a data de remate do prazo de presentación de solicitudes. No caso de que transcorrido o devandito prazo non conste resolución expresa da solicitude, poderase entender denegada, sen prexuízo de que con posterioridade sexa resolta.

6. SEGUIMIENTO

Quen reciba axudas na presente convocatoria deberá:

- Informar á Unidade de Igualdade da programación subvencionada cun mínimo de dúas semanas de antelación á súa realización e comunicar calquera alteración que se produza no programa. A comisión de valoración poderá decidir revogar a axuda concedida no seu importe total ou parcial se considera que as alteracións producidas modifican substancialmente as condicións tidas en conta para conceder a axuda.
- Facilitar á Unidade de Igualdade todos os datos persoais e fiscais necesarios para poder tramitar facturas e aboamentos dende a Unidade nun prazo máximo de 10 días dende a realización do programa
- Presentar unha memoria xustificativa segundo modelo que estará a disposición na páxina web oficial da Unidade de Igualdade nun prazo máximo de 20 días dende a finalización do programa. (Anexo III)

O non cumprimento destas obrigas excluírá á persoa que a solicitase de futuras concesións de financiamento, reservándose a Universidade de Vigo o dereito a iniciar medidas tendentes a esclarecer as posibles irregularidades e a revogación do financiamento concedido no seu importe total ou parcial.

Todos os programas subvencionados parcial ou totalmente pola presente convocatoria deberán facer mención ao patrocinio da Unidade de Igualdade da Universidade de Vigo.



Edificio Ernestina Otero
Campus universitario
36310 Vigo
España

Tel. 986 813 419 igualdade@uvigo.es

As persoas responsables da solicitude, recibirán un diploma acreditando o seu labor de coordinación do programa levado a cabo.

7. RÉXIME DE RECURSOS

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados dende o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, de procedemento administrativo común das administracións públicas.

Vigo, 06 de Febreiro de 2020

O reitor



Firmado digitalmente por
35023985H MANUEL JOAQUIN
REIGOSA (R: 08650002B)
Fecha: 2020.02.07 12:34:57 +01'00'

Manuel Joaquín Reigosa Roger

ÁMBITO- PREFIJO

GEISER

Nº registro

U03800058s20N0000001

CSV

GEISER-0645-c74b-faa1-40b1-8d1e-6f39-c2a4-7057

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

10/02/2020 10:00:13 Horario peninsular

Validez del documento

Copia Electrónica Auténtica



GEISER-0645-c74b-faa1-40b1-8d1e-6f39-c2a4-7057